



Disputatio medica inauguralis de tympanitide

<https://hdl.handle.net/1874/345213>

DISPUTATIO MEDICA
INAUGURALIS
DE

TYMPANITIDE,

QUAM

AUSPICE SUMMO NUMINE,

Ex Auctoritate Magnifici D. Rectoris,

M. JOHANNIS LEUSDEN,

Philosophiæ Doctoris, & Linguae Sanctæ in Illustri
Academia Ultrajectinâ Professoris Ordinarii,

UT ET

Amplissimi Senatus Academici Consensu, & Nobilissima

Facultatis MEDICÆ Decreto,

PRO GRADU DOCTORATUS,

Summisque in MEDICINA Honoribus, Prærogativis &
Privilegiis, legitimè consequendis,

Eruditorum examini subicit

JOANNES OVERCAMP, Couverdiensis.

Ad diem 26. MAJI, horâ locoque solitis.



TRAJECTI ad RHENUM,

Ex Officinâ FRANCISCI HALMA, Academiæ
Typographi, clō lcc xciii.

Viro Doctissimo

HEYDENTRYCO
OVERCAMP,

Medicinæ Doctori practico
apud Amstelodamenses feli-
cissimo fratri unico omni
amore colendo.

Hasce Theses Inaugurales

Offert

JOANNES OVERCAMP.
AUCT & RISP.

Ex Officina FRANKISII HARMÆ, Academicæ
Typographi, c/o de Koning.

DISPUTATIO MEDICA
INAUGURALES,
DE
TYMPANITIDE.

THESIS I.



Iraculum illud intestinorum, medici quod vulgo Tympanitidem appellant, Thema inauguralis mihi disputationis erit.

I I.

Tympani instar venter hocce in morbo tensus est, & si manu percutiatur, sonum consimilem edit.

I I I.

Generali ergo expansioni omnium intestinorum, nec non ventriculi, hoc solum nomen relictum est, verum enim vero alias species horum viscerum non dari particulares, industria Medica jure merito in controversiam trahit.

I V.

Nam illa, prudenti consilio causas aliquas læsarum functionum intestinorum, & quod magis est venticuli, animadvertendo, vidit harum non minimam partem Tympanitidi particulari, vel potius non ita generali, suas causas debere.

V.

Dictum per actum probare Studens, ventriculum, quod diris cruciatibus propter inmanem ejus expansionem vexatur, continuis ructibus vociferari solet, secundo colicos, iliacosque dolores, ab hac expansione ortos, pro fidelissimis hujus rei testibus accersire jussit, præterea partis hujus intestini colon, quæ sinistrum Hypochondrium occupat, quærelas suas longioris ejus expansionis, eo quod, celeberrimus Sylvius, in cathedra lugdunensi, hujus causas, contra obstructionem lienis optime defendit, exaudire non recusat.

VI.

Causa hujus tympanitidis non solum generalis, verum etiam particularis curiosioribus exploratoribus artis Medicæ duplex sese offerre consuevit,

VII.

Una est symplex, & ab omni alia materia libera, flatuum in ventriculo, nec non in intestinis copia, altera est infinita fere bulularum, flatus tamen in se continentium & ex leviori materia viscida ortum ducentium congrues.

VIII.

Primam nemini, me in puerpera vidisse, cujus venter miraculi instar, mirum in modum, & hoc brevissimo quidem in tempore extendebatur, secundam in vetula sexagenaria, etiam hoc nostro affectu laborante, scilicet, ex excretis, quæ spumosa non solum verum etiam instar cerevisiæ recentis fermentabantur.

IX.

Probatio posterioris, quoniam ipsa res pro me militat, non mihi, sed prioris incumbit.

X.

Nam illa, quanquam ex hac expansione generali per tres continuos dies convulsiones hystericas, non tales, quales in minimo, imo vero in maximo hujus morbi gradu videre licet, patiebatur, & hunc affectum tormina ventris, horrenda comitabantur, attamen hanc spatio sex horarum, flatibus magno in copia per inferiora & superiora emissis curatam vidimus. non falsam, sed veram vobis historiam narro, unde colligere licet, non spumosam, quæ magis inexpugnabilis est, sed flatuosam solummodo materiam fuisse.

XI.

Medici etiam diversitatem curationes a varietate causarum dependentis, animadvertentes, non dubitavere hunc spumosum Æolum ventris intra tunicas intestinorum, nec non venticuli coeercere, quamvis hoc a veritate alienum mihi videatur, nihilominus tamen allatam nostram veritatem magis claram reddit.

X I I.

Hactenus de causis continentibus, & proximis, nunc de remotis ut agam, non tantum ad hoc me ratio, verum etiam series rerum a me pertractandarum impellere censetur.

X I I I.

Ut hoc omnibus fere in aliis morbis evenit, ita hic causæ quoque vel internæ, aut externæ sunt.

X I V.

Ita hoc malum a quacunque causa frigida, sive demum sit aer, sive aqua suam potest originem ducere, nam quis nesciat? frigus posse succos tam bene in ventriculo, & in intestinis contentos, quam in vasculis horum viscerum circulantibus, incrassari & per consequens ansam huic duplici materiæ generandæ præbere.

X V.

Sic medica manus, pia quidem, sed non docta tamen semper febres ardentes per medicamina actu frigida curare Studens, causam huic morbo vel generali, vel particulari generando non raro præbere solet, earumque curam, quæ ultimo desiderio a mortalibus exspectatur, difficiliorem non solum verum etiam longiorem reddere.

X V I.

Et quamvis diversæ hujus affectus species a causa frigida oriuntur, hoc tamen non impedit, quominus æque facile a sanguine scorbutico viscoso & lento suum non ducerent ortum; articulus sane in fide medica, qui nullam controversiam movit.

X V I I.

Puerperas ventrem ex recenti partu ad huc magis laxum habentes, hoc morbo facile corripi posse, quotidiana planum facit experientia, hinc murmura exaudiuntur & inde dolores satis decantati aliquando post partum oriri consuevere.

X V I I I.

Nunc disputandum est, quare ista pars intestini colon sinistrum occupans Hypochondrium magis præ cæteris huic expansioni particulari obnoxia sit.

XIX.

Problematis hujus solutio cum a presentia excrementorum in ejus extremitate herentium, tum a vicinitate ventriculi, cui etiam pars hujus intestini subest, petenda est, nam flatus in intestinis tenuioribus geniti, per motum peristalticum versus crassa intestina pressi, & per angustius spatium hujus partis, quæ ut statim diximus, venticulo subest, moti, facta jam primum angustia, a pressione ventriculi, magis saturi, iteratis vicibus hanc partem extendere debent, eoque magis, quod exitus. Propter obstaculum prædictorum excrementorum illis dari non potest, & propter hanc unicam ob causam enemata tantæ necessitatis, aliquando in arte medica sunt.

XX.

Quid mali, ex hoc malo corpori accedat, jam inquirendum est.

XXI.

Quoniam præcipua causa concoctionis assumptorum in ventriculo & chyli in intestinis, a naturali horum viscerum constrictione dependet, igitur hac sublata, omnes functiones corporis lædi deberi necesse est.

XXII.

Hinc primum macilenti & temperamenti frigidi fiunt, quid mirum, ubi vix chylus in ventriculo generatur & in intestinis non concoqui posse, quid aliter quam id quod statim diximus, expectandum est, imo ipsa mors, ubi hæ causæ pejores fiunt.

XXIII.

Alvus aliquando adstricta, nonnunquam lubrica est.

XXIV.

Prior casus evenit, ubi hoc malum a flatibus oritur, sic vidi puerum hoc morbo laborantem, alvum sola exhibitione tincturæ castorii aromaticæ deposuisse, quod medici, neque clysteribus neque purgationibus, efficere potuerant, & ratio in promptu est, nam flatibus hocce medicamine expulsis, contractionem solitam, intestinis ilico restitui debere necessarium erat.

X X V.

Diarrheam spumofam olim Hippocrates a cerebro deduxit, species sane diarrheæ, quæ non facile curari potest, quoniam in se quandam umbram resolutionis, vel potius paralyfios inteftinorum comprehendit, & hæc quamvis minorem gradum noſtri affectus generalis, & ex materia ſpumofa orta, præ ſua cauſa præſupponit, illam tamen in ſupra dicta noſtra vetula non obſcure noſtro morbo laborante etiam animadvertimus.

X X V I.

Spiritum, omnes, hoc morbo laborantes difficillime ducere debere, quis non videt, hinc aliquando animi deliquium, propter defectum aeris, ſudores frigidos, aliaque plura mala patiuntur.

X X V I I.

Prognofin, quæ ex radicibus intimæ cognitionis natura morbi germinare ſolita eſt, & debet, ſecundum leges medicorum jam ſuas partes agere debere & ratio & tempus monent.

X X V I I I.

Omnis expansio ſive ſit generalis, vel particularis, ſi diu duraverit, fere incurabilis eſt, quoniam laxitatem ventriculi nec non inteſtinorum curare, opus non ſolum arduum, verum etiam ut plurimum impoſſibile eſt, nam hoc obſervamus in hſtericis paſſionibus ab hac expansione ortis, affectione Hypochondriaca, circa murmura, quibus ut plurimum mulieres tentantur, & non raro circa expansionem inteſtini coli, quam belgice *een Ryſkoek* appellant, ſic pueros videre licet, hiſce expansionibus diutiſſime vexari, ubi vermibus laborant, quotidiana obſervatio eſt.

X X I X.

Sileat, jam oraculum noſtrum medicorum, & ultimo loco cura fari incipiat, hanc eo magis auſus ſum aggredi, quod unum etiam peſſimo gradu hujus affectus decumbentem curatum vidi, proponam ſolummodo generalia, & inter illa primo balneum ſiccum, ſecundo cataplaſmata, linamenta, aromatica & volatilia.

Ter-

8 DISPUTATIO MED: INAUGUR.

Tertio antehysterica, sed tamen melioris notæ. Quarto decocta antiscorbutica & sudores moventia; Quinto & ultimo loco alkalia & gummata.

X X X,

Ite jam hisce saturi, & non exspectate me hic plura propositurum, cum in animum induxi meum non tam hic docere, quam specimen peritiæ nostræ artis medicinæ in medium proferre, hoc an male, vel bene, fecerim aliis judicandum relinquo.

FINIS.

